

AKCIJA 'BUYER' Uhapšeno šest osoba zbog kriminala u 'Bosnalijeku'


KRAJ IMPERIJE ARSLANAGIĆA?

SIPA uhapsila Amara i Izeta Arslanagića, Šefika Handžića, Aidu Selvić, Hasana i Jasmina Šepu • Izdat nalog za hapšenje bivšeg direktora Edina Arslanagića • Terete se da su budžet FBiH i KS oštetili za milionske iznose



Pretresen Amarov Porsche

Pripadnici SIPA-e odvođe Amara Arslanagića: Hvalio se luksuznim životom

(Foto: S. Saletović)

Po nalogu Kantonalnog tužilaštva u Sarajevu, pripadnici Državne agencije za istrage i zaštitu (SIPA) uhapsili su jučer u akciji kodnog naziva „Buyer“ šest osoba, među kojima su bivši direktori u

„Bosnalijeku“ Amar Arslanagić i Šefik Handžić, kao i Aida Selvić, Izet Arslanagić, Hasan i Jasmin Šepo. Također, izdat je nalog za hapšenje bivšeg generalnog direktora „Bosnalijeka“ Edina Arslanagića, koji se javio „Avazu“ i po-

tvrdio da je u inozemstvu, odakle se vraća početkom juna. Svi uhapšeni sumnjice se za organizirani kriminal i korupciju te sklapanje štetnih ugovora, što je dovelo do štete koja se mjeri milionskim iznosima. **2. i 3. strana**

AKCIJA BUYER Uhapšeni bivši čelnici „Bosnalijeka“, najveć

Kraj imperije Arslanagića?

Osim Amara Arslanagića, uhapšeno još pet osoba • Izdat nalog za hapšenje bivšeg direktora Edina Arslanagića • Obavljen pretres imovine na devet lokacija

Po nalogu Kantonalnog tužilaštva u Sarajevu, pripadnici Državne agencije za istrage i zaštitu (SIPA) uhapsili su jučer u akciji kodnog naziva „Buyer“ šest osoba, među kojima su Amar Arslanagić, Šefik Handžić, Aida Selvić, Izet Arslanagić, te otac i sin Hasan i Jasmin Šepo. Svi uhapšeni sumnjaju se za organizirani kriminal i korupciju te sklapanje štetnih ugovora, a akcija je provedena i u saradnji s Ministarstvom unutrašnjih poslova KS i Poreznom upravom FBiH.

Pretres imovine

Prema nezvaničnim informacijama koje je jučer objavio portal „Avaza“, potraga je raspisana i za Edinom Arslanagićem, bivšim direktorom i Amarovim ocem.

Amar Arslanagić i Handžić bivši su direktori u državnoj kompaniji „Bosnalijek“, dok je Edin bivši generalni direktor, kojeg je Vlada FBiH s ove pozicije smijenila 2012. godine. On je, inače, član Odbora za ekonomiju Savjeta SDA. Uhapšeni Jasmin Šepo sin je Hasana Šepe, vlasnika sara-

jevske firme „Brštanica“.

Na području Sarajeva SIPA je jučer pretresla pokretnu i nepokretnu imovinu na devet lokacija, među kojima je i porodična

kuća Amara Arslanagića na Koševskom Brdu, gdje su u garaži bila parkirana dva automobila Porsche - Cayenne s američkim tablicama i Panamera. Pretres



Planirali selidbu u Ameriku

Prema nezvaničnim informacijama našeg lista, Amar je uhapšen samo nekoliko dana prije nego što je planirao s porodicom se odseliti u Sjedinjene Američke Države! Navodno je njegova supruga već dala

otkaz, a Arslanagić je pripremio avionske karte za SAD za subotu. Prema istim informacijama, svi oni imaju i pasoš SAD. No, ove informacije jučer niko nije mogao zvanično potvrditi.

ovog objekta trajao je satima.

Komšije s kojima smo jučer razgovarali bili su zbunjeni akcijom SIPA-e, jer nisu znali o čemu se radi. No, niko ni zvanično nije htio komentirati Arslanagićevo hapšenje.

Akciji „Buyer“, kako je saopćeno, prethodila je

višemjesečna složena kriminalistička istraga u okviru koje su zadokumentirane nezakonite aktivnosti u firmi „Bosnalijek“ Sarajevo. U više navrata u javnosti je bilo infor-



Edin Arslanagić:

Bio deset godina na čelu kompanije

Page: 2

Reach: 50000

Country: BOSNIA AND HERZEGOVINA

Size: 2003 cm2

3 / 3


farmaceutске kompanije u Bosni i Hercegovini



Amara Arslanagića jučer izvela SIPA nakon što je obavljen pretres

(Foto: S. Saleković)

Imovina od 6 miliona KM



Vila Arslanagića vrijedi najmanje 2 miliona maraka

Imovina porodice Arslanagić, koja godinama upravlja „Bosnalijekom“, vrijedi najmanje 6 miliona maraka, pisao je online magazin Žurnal još 2012. godine.

- Edin Arslanagić, dugogodišnji direktor najveće domaće farmaceutske kompanije, i njegovi sinovi Amar i Vedad posjeduju

kuće, stanove i firme čiju vrijednost je teško tačno utvrditi, ali se mjeri u milionima. Vedadova vila u Sarajevu, vrijedna najmanje dva miliona maraka, izdaje se za vrtoglavih 20.000 KM mjesečno, a vozni park sinova vrijedan je blizu pola miliona maraka. To je tek mali dio bogatstva Arslanagića - navodi Žurnal.

macija o istrazi u ovoj najvećoj farmaceutskoj kompaniji u BiH, gdje je država vlasnik.

- Za osumnjičene obuhvaćene istragom postoji osnov sumnje da su počinili krivično djelo organiziranog kriminala, a u vezi sa krivičnim djelima zloupotrebe položaja ili ovlaštenja, porezne utaje, krivotvorenja službene isprave, kao i krivičnim djelom sklapanja štetnog ugovor“ - sa-

20
posto državnog kapitala ima Vlada FBiH u „Bosnalijeku“

120
miliona KM prihod od prodaje u 2014. godini

10
miliona KM neto dobit u 2014. godini

Edin Arslanagić
smijenjen 2012. godine

Federalno pravobranilaštvo podnijelo je 17. januara Tužilaštvu KS imovinskopравни zahtjev u visini štete za državni kapital u „Bosnalijeku“

Vještak utvrdio štetu u iznosu većem od 13,7 miliona KM

općeno je iz SIPA-e.

Iz MUP-a KS rečeno je da su ove osobe uhapšene pod osnovanom sumnjom da su kao organizirana grupa od 2002. do 2012. godine počinile više krivičnih djela: krivična djela zloupotrebe položaja ili ovlasti, sklapanja štetnih ugovora, krivotvorenja službene isprave, porezne utaje, a kao uposlenici firme „Bosnalijek“, „Brštanica“, „Carpe Diem“ Sarajevo, i na ovaj način oštetili „Bosnali-

jek“, budžet Federacije i budžet Kantona Sarajevo za milionske iznose.

Na koji precizno način, jučer nije saopćeno, ali je poznato da su Arslanagić tokom tih godina bili alfa i omega profitabilne kompanije.

Van države

Edin Arslanagić izjavio je putem SMS poruke jučer za „Dnevni avaz“ da se nalazi van države te da se u BiH vraća, navodno, početkom juna.



Handžić: Jedan od uhapšenih

Za sve dodatne informacije uputio nas je na svoju advokaticu Edinu Rešidović. Ona nam je kazala da je jedan od Arslanagićevih branjenika, ali da više detalja ne može iznositi. Nad uhapšenima je jučer obavljena kriminalistička obrada u SIPA-I, dok će nadležni tužilac Tužilaštva KS danas odlučiti kakve će mjere predložiti za uhapšene. Iz trenutne uprave kompanije „Bosnalijek“ jučer se nisu oglasili u vezi s akcijom policijskih organa.

M. AŠČIĆ - E. TRAKO